



Inatsisartunut ilaasortaq Hans Enoksen, Partii Naleraq
/MAANI

Kangersuatsiami tunitsivik pillugu § 37 naapertorlugu apeqqummut nr. 074-imut akissuteqaat

Kangersuatsiami tunitsivik pillugu Inatsisartut suleriaasianni § 37 imm. 1 naapertorlugu, Naalakkersuisunut apeqquteqarputit. Apeqquteqaat suliassaqarfinni akineqartussanngorlugu innersuunneqarpoq.

1. Kangersuatsiami tunitsivik ukiut arlerpai matoqqalluni. Naalakkersuisut qanoq iliuseqarniarpaat Kangersuatsiami tunitsiviup ammarneqarnissaanut suliniuteqarnissaminut?

Akissut:

Kangersuatsiami tunitsivik Royal Greenland-imit namminersortumit pigineqarpoq. Royal Greenland, tunitsivimmik piginnittusoq attaveqarfigineqarpoq.

Royal Greenland akissuteqarpoq Kangersuatsiami tunitsivik nioqqutissanik suliarineqanngitsunik tunngavissaqannginneq pissutigalugu 2011-imi 23. maj kingullermik tunitsivigineqarsimasoq. Tamatuma kingorna inuussutissalerinnermut aqutsisoqarfimmit misissuilluni takusaanermi tunitsivik aserfallatsaalliorneqannginnera aammalu kuuinnartumik imeqannginnera pissutigalugu tunitsivik matuneqarpoq.

Tamatuma saniatigut Royal Greenland-ip pissutsini attaveqarnermilu tunitsivimmut atatillugu ajornartorsiuataasut arlallit ilisimatitsissutigai.

Taamaalilluni aallaaviatiogut tunitsivik ammaqinnekassanersoq Royal Greenland-ip aalajangertussaavaa.

2. Kangersuatsiami tunitsiviup matoqqanerani aalisartut piniartullu qanoq iliuseqarluni inuuniarnikkut atugaasa pitsaanerulernissaannut sulissuteqarniarpat?

Akissut:

Maannakkorpiaq Kangersuatsiami suliffissaaleqisut 20-inik amerlassuseqarput, taakkunanga marluk suliffeqarnermi ikiorsiissutinik tunineqartarlutik.

Qaasuitsup Kommuniata martsip qaammataani Kangersuatsiamut tunngatillugu suliffissaaleqisunut pikkorissaanissanut kissaatigineqartut nassiuppai: Issittumi ikiueqqaarneq, VHF-radio-mut pikkorissaaneq aamma angerlarsimaffimmi ikiortinik pikkorissaaneq. Namminersorlutik Oqartussat maannakkorpiaq pikkorissaanerit suut ingerlanneqarsinnaassanersut nalilersorniarlugu, inuussutissarsiutinut ilinniarfinit suliaqartuusunillu assigiinngitsunit akissutisinnissaq utaqqivaa. Kisianni

25-03-2015
Sags nr. 2015-112384
Dok. nr. 1912008

Postboks 1601
3900 Nuuk
Tlf. (+299) 34 50 00
Fax (+299) 32 56 00
E-mail: isiin@nanoq.gl
www.nanoq.gl

sammisassanut naleqquttunut suliffissaqanngitsut inuussutissarsiutini allani aallartinnissamut periarfissaannik pitsanngorsaataasinnaasunik allanik kommuni siunnersuuteqarsinnaavoq.

Nunaqarfinni isorliunerusunilu inuussutissarsiornermut suliffissaqartitsiniarnermullu suliniutit ataanni 2014-imi Kangersuatsiami suliniutinut aningaasaliisoqarpoq, taanna aqqutigalugu nunaqarfinni suliffissaaleqisut arlallit suliaqartinneqarlutik. Suliniuteqarnerup taassuma ataani Qaasuitsup Kommunian 2015-imi 2,5 mio. koruuninik aningaasaliiffiqineqarpoq, taamaalillunilu aamma ukioq manna suliniutinik ingerlanneqartussanik inassuteqaateqarnissamut periarfissaqarluni.

3. Tunitsiviullu matoqqanera pissutigalugu nunaqarfinni suliffissaaleqisut qanoq iliuuseqarfiginiarneqarpat?

Akissut:

Apeqqummut 2-imut akissuteqaatiga innersuussutigissavara.

Inussiarnersumik inuulluaqqusillunga

Med venlig hilsen


Vittus Qujaukitsoq